

聖

留素堂詩刪卷三

浙西蔣薰丹崖著

男名世較

塞翁編

戊申

元旦

獻歲尋常事。他鄉患難人。仰天能不愧。寓目獨無親。笳吹增怵怛。椒盤覺苦辛。獸樽誰可發。萬里有孤臣。

子帥自扶風寄詩兼惠古銅卣有作

東道隔年存塞客。發使在臘月新詩古色照卣尊。酒人

對雪紅泉驛。駒路扶風絳帳村。子帥將從扶風南還板屋從

今虛上座。柴門許我過高軒。謂到南村天涯兄弟真

越何處重逢是故園。

雪樓

春來猶著敝羊裘。隴外寒多白雪樓。寂莫庭階生

玉樹。虛無丘壑對滄洲。杜門倦客人如卧。映榻殘

書晚未收。何必山陰乘興好。天邊渭水一孤舟。

徐巖叟州守過訪借柳居小集

去年人日曾相見。人日纔過見故人。陋巷能歌猶

是昨。西窗剪燭更逢春。不愁貧主初筵色。少洗佳

賓肥馬塵。攜到梅花香雪煖。徐以瓶梅見贈併催一夜柳

條新。

元宵

五度元宵感別離。開窗待月上春枝。家人應憶關

山客。正是黃昏獨坐時。

正月十八日遙送子帥扶風南還

早知此日君歸去。日送亭亭車蓋雲。他縣寄孳終

得見子帥妻子尚在扶風老年別友不堪聞人過江左留書
在夢入秦中有路分惆悵春風頻度隴各東西處
黯離羣

春寒

小雨過林塘春寒憶舊鄉愁心難自整莫漫柳條
長

夢送客

六年親友別東塘長水塘東一夜憐人客路長為計歸
期從涕淚不知身是在他鄉

雪

朝光虛入室晚起靜披帷亂竹迷三徑寒禽聚一
枝無舟尋剡曲有賦擬梁池高興猶如昨呼童進
酒卮

徐徽州宋清水諸舊僚為言當事將釋无妄
笑而謝之

故人結駟枉高車念我離憂過敝廬知是相憐不
同病誰為積毀更能譽三年笈鳳歌衰德一夜啼
烏卜赦書自分迂疎應老累塞翁得失竟何如

張輔辰楊際亨武畧三生攜酒至

羗城雪霽春風寒卷書兀坐南山看柳巷蓬門日
日閉有客三人不速至前攜筐果後提壺殷勤滿
酌勸狂夫狂夫無心亦無語頽然盡醉君當恕忽
作商歌四座驚留君不住從君去

欲歸

欲歸不得歸欲住不可住譬如涉波濤忠信少憂
懼翻覺一身輕何況戀親故蒼蒼天門山蕭蕭渭
陽樹生爲彭澤廬死爲桐鄉墓患難莫自由履道

貞吾素

早春歌

柳條短如髮雪片殘如月側側坐高樓輕寒刺驚
骨黃雲塞隴坻東風爲飄忽吹笛落梅花不見梅
花發

逢謝參軍別

杭州謝泰階自云崇禎七年以鞏昌照磨攝文
縣今流寇破城繫獄十年清初釋爲臨洮經歷
復去職流落今南還已六十九歲矣聞其言爲

參軍悲更自嘆也

龐眉南客隴西來三十居官七十回待罪前朝留
犴獄竄身絕塞泣龍堆眼中兒女無婚嫁老去親
朋有土灰在問家書何所寄看君重覺後人哀

野鶴

野鶴巢枯槐適與傲廬對磊落如長人顧爾非凡
輩不飛向我鳴淒切多梗概豈無千尺松何自棲
邊塞羗城懼彈弋青田日蕪穢欲和非在陰感激
傷五內

采蒲行

蒲生在渭曲春寒叢舊科青青未出水旁有飢民
過摘笋猶是可採根當柰何不惜根斷絕充飢苦
無多

春雨

水巷從容獨杖藜相逢鄰老話春犁河陰魚戲鷗
羣亂屋角風微雨脚齊此日賣刀耕有犢今年握

粟卜無妻

羗人多鬻妻女度荒

塞翁淚爲田家落與飲村酌

一醉泥

蒔蔬

借柳居前一席地家無鵝鴨惱庭除旁留曲徑通
好客半規小圃蒔佳蔬未得間間歸十畝亦從劄
劄揮長鋤朝來抱甕自汲井坐待春雨常廢書

渭上作

尋春春水邊春事尚蕭然沙路無青草山村有燒
田日窮迷漢壘腸斷到秦川何為歌曠野飲馬獨
垂鞭

杜門

子雲寂莫老太史滯留年何處堪藉在有時迺自
然樽空常謝客睡美是遊仙不管蓬門外春風日
放顛

蘇武

蘇武一小臣漢家豈為意節旄落海西十年不相
棄萬里遠君門未聞博士議嚙雪徒爾為此生已
如寄使非上林雁附書安得至

李廣

李廣號飛將應募起漢科出身良家子衛霍無以

留素堂集 卷三 六
過辛苦七十戰奈此數竒何老罷部曲散夜歸亭
尉呵終然羞對簿空自立功多

姜維

姜維少而孤母氏相因依投身歸漢主力扶王室
微願嗣武侯烈時事與心違圖隴識大勢存蜀履
危機可憐懷遠志不得求當歸

侵欺獄成赦罪作

奏當難回羅織成死灰小吏愧餘生豈期肆赦天
恩重敢謂二年臣罪明簠簋飭來憑國是催科拙

後見輿情有書得上煩廷議塞外風霜始不鳴

渭濱釣者

渭濱釣者白髮翁臨淵雙雙形偃僂幸是足跛腰

背陀羗站不充牛馬數

羗有牛站馬站役民爲苦

釣得白魚兩

三寸懶賣人家送官府借問胡爲不要錢老身今

歲當漁戶

官府覓魚責之漁戶

鞦韆

芳草灘西清渭東誰家墻角杏花紅穿林回板鶯
邊坐艷日青娥天上逢玉首低捐游蝶粉茜裙輕

惹綠楊風昨來無限深閨意盡在春光一拜中

春夢

春夢今年夜夜歸梅花落盡杏花稀醒來翻下別
時泪不及東園蝴蝶飛

招張武二子

輔辰

累日不會面子曷不我尋當為懶慢故豈以門巷
深天氣乍煩鬱早晚成春陰及此清風發相於共
披襟草堂有隱几楊園有鳴禽高興正不淺延佇
慰遐心

春愁

不耐愁隨春日長羗城花柳斷人腸誰家浮白醜
毳席何處踏青瓔珞粧塞雁來歸已過半沙風作
意太顛狂堪嗟流落江南客物色年年非故鄉

花影曲

二月三月花正開窻紗壁幕影徘徊却如美女姍
姍至迴風吹動釵頭翠朝垂曲檻白日前夜弄廣
除明月邊一段春情掃不去未曾搖落使人憐何
處燒燈入舞席歌聲蹋地亦狼籍有時高映結綺

樓後庭玉樹皆下頭最是傷心長門裏玉階幽草
同靡靡徒然撩亂阿嬌愁早不飄零逐流水

書
春風東南來吹我西北廬時聞空中雁不見空中

歸人
羈束無佳日清明已暮春去鄉非孝子出塞是孤
臣芳草天邊怨垂楊渭曲新羗中多掃墓獨有未

江南樂

清明兼上巳春暮正風流詞客多臨水佳人半倚
樓長茵翠羽爵高幔白蘋洲遙想江南樂親朋分
日遊

雪朝口占

桃花亂落雪花紅雪作楊花起絮風何處人家可
乞火已無寒食在厨中

一出

一出成老累何時任我真江南懷樂土塞北飽汚

塵泛艇尋消夏太湖有消夏灣持竿向富春晚年歸計遂
湖海足容人

隴山操擬龜山操作

謁母崑崙兮隴山藩援不得青鸞兮孰爲余言

花雪曲

踏剩花邊雪看殘雪後花香泥高燕壘紅雨漲鷗
沙載酒山陰棹留春洛浦車爲歌花雪曲應倍惜
韶華

上巳飲渭濱

渭水情無盡慙慙送羽觴遣將羈客興看取麗人
粧醉後眼青白狂來歌短長東流未到隴伏羗北臨渭水
去隴尚遠已斷塞翁腸

得敬止見寄詩集

人歸東越後詩寄北燕來春暮情無賴花前誦幾
回風流我愛孟丘壑獨棲梅萬里憐同調誰當薦
賦才

種菊

雨過編籬早春深種菊饒晨光熹抱甕土脉煖分

留素堂集 卷三
苗桃李爭含笑風霜獨自料歲寒相守意不憚夕
餐遙

陳胤倩燕中寄書至讀竟感賦

隔年書信到邊城淚下同入急難情似欲解驂越
石父可憐作客樓君卿踟躕四海無知己嘆息百
催獨我生紙短心長三過讀燕霜隴水一時鳴

屯部郭寅客員外書述近况兼和詩

薄宦升沈總黯魂同盟兄弟幾人存不能去國求

田舍

自謂

更有爲官哭子孫

郭喪子復塲孫

知是一身依北

闕那隨十口到南村隴頭春盡愁無奈得見瑤華
淚眼昏

柳巷

柳巷不容憶柴門無事關林深啼鳥密風細落花
閒洗耳聽流水歸心題遠山

題音逸視貌孔子丘陵歌云題彼泰山

如何三月暮空復送春還

雨

春雨及今好秋田庶晚成農人無暇日荒歲有餘
生何以能寬賦因之不輟耕將爲迂吏請可更累

虛名

愁在

心弱惟愁在途窮柰老何愧從蒙難後覺負故人
多無粟分鄰里將身受網羅終然歸去得生意已
婆娑

三月二十一日臨洮郡丞沈靜園遺書見招

故人書札冀城來

伏羌冀戎地古冀縣

策馬還過烽火臺

沈在

隴患難已深羞缺短親朋未見覺顏開遙知聲子
班荆席倘得韓生起死灰塞外有誰能念舊翻爲

喜極重徘徊

同許鐵堂王藍潭鐘靈寺池上作

迎夏南風發臨流暮景微同人跌坐久一逕柳花

飛何處聞歌管

寺近官舍

此間看釣磯有魚思典酒舍

笑攬鶉衣

哭諤方

依人非得意在洽爲辭官

洽卽郃陽縣屬西安

病日憐公幹

亡年報耿蘭悔教餽口去淚把寄書看須得還骸
骨脚踟歸路難

留素堂集 卷三
李乾行明府邀同許安定吉兩當集報國寺
故人多懶慢獨爾倍寒暄已漫懷中刺徧傾座上
樽同心存我輩放眼到乾坤莫嘆交游少年來不
出門
胡杜二秀才書齋牡丹初開同鐵堂明府相
訪不遇

問主尋花結伴來小園晝靜綠莓苔一枝發艷如
闌戶四座清陰待舉杯應須留眼看姚魏未便揮
毫屬馬枚異日重過同樂事許渾去後賦無才

郭給事招看牡丹

去年置酒在花時今看名花對酒卮素女嬌因月
到後楊妃笑爲客來遲

素女嬌楊妃笑皆牡丹名

欲凭欄檻移

碁局故著臙脂入艷詞惹得香魂春有夢愛公折
贈兩三枝

借何永昭過范恭惠宅看牡丹

甲第摧殘范老家繁華猶見牡丹花露香蕊纈疑
紅粉日麗枝疎似碧紗笑看園林春已過聞攜賓
侶興無涯當年歌舞人傾國倚徧闌干散綺霞

看陳參軍牡丹同沈靜園顧介菴

看山亭外日初斜
合坐邀賓早放衙
蓮幕闌時知夏令
棠陰深處見春花
醉來酒盞澆臺座
吟罷詩筒掛壁牙
誰似參軍多逸興
掀髯傾倒洛陽家

楊郎中折內園牡丹見贈

楊子玄亭久不開
牡丹賦就獨徘徊
吐將赤鳳穿林去
傳與名花傾國來
插取水壺清几席
避他夏日蔭樓臺
賞心有酒無過客
細把癡痕洗一杯

沈郡丞邀同葛聖阜看法曹白牡丹

一片花開遶白雲
白雲司裏見休文
文艷香不擬清平
調雅集如看雨雪
霏纖手捻來難奪
色氎巾倒後半成
醺西州尚有江南
樂留得陽春待使
君

看殷園牡丹適吳今亦至

荒蕪不改舊園林
此日花間感客深
前度潘郎無在座
後來陶令已抽簪
韓今已亡吳今復罷職先後寓園中
光華空有雲霞色
寂寞慚非桃李陰
回首十年搖落甚
冷心煖眼任升沉

白衣洞望隔墻牡丹

襄武城西春未歸藏春深洞正芳菲麗人布席成
花會蕩子窺墻過竹圍香霧彩雲風送到紅巾翠
羽鳥銜飛疎枝影動斜陽外道是姍姍來又非

與聖阜永昭尋北關牡丹途逢王荷澤明府

偕訪王季廉陳叟喬老家

北郭尋芳緩步行軒軒詞客久知名相逢下揖還

停騎共去吟花且聽鶯野老幽居初日艷謂陳喬故

家歆榭晚霞明季廉已止可憐不傍香亭看朝碧昏黃

學送迎開元遺事

仁壽觀女道士牡丹

乾池崖上看花過觀在乾池崖南晝掩松門掛薜蘿一院

風微香澹澹數枝露泣白嗟嗟何當淨界留脂粉

未許狂夫佐嘯歌借問風流魚道士魚玄機可能新

句贈人多

史尉自太原來述邁人近事有懷

冗官裁右轄未返輞川莊將謂東山起猶勞北叟

望朝廷無毀譽儒術有行藏溪上園田在并州非

故鄉

素公見過

訪公三過後何意出山來錫杖隨雲度天花帶雨
開未歸惠遠社已識道林才有日能離垢迷川待
渡杯

木塔寺尋素公逢洞空上人

東林尋一老却與道人俱軟語初心喜觀空千偈
無晉鳩摩羅什日誦千偈竹間開丈室松下結跏
跌已得廬山伴幽情自不孤

讀郭給事奏議

得見匡衡疏如探禹穴書藏山能不朽焚草定何
如涕淚餘簪筆風霜碎蠹魚百年徵故事吾道未
丘墟

端午雨

隴西兩度端陽節今雨催詩漫賦來細葛香羅憐
獨冷虛壘塵爵笑誰陪贈人芍藥堪留伴照眼榴
花何處開是日有客贈予芍藥隴西土寒少榴故客不須沉九辯湘
纍已自悔多才

奉獻隴右方伯二首

星陳熒熒紫薇垣嶽伯賢勞轄大藩轉運關中蕭
相國屯田塞外趙翁孫承恩持節歸荒服報最司
農謁帝闈借問版圖何所極照臨月窟到崑崙
威儀共識漢公卿則壤無殊飭法平
公先爲開國按察使
文章爲北斗臨邊鎖鑰作長城貢通西域還充賦
麥熟崆峒正偃兵坐鎮會逢多宴樂時聞鼓瑟更
吹笙

漳縣令送酒錢

尋常酒債負三年不道延之與酒錢此日客從座

上滿出門笑把杖頭懸高眠會向長安市去國何
須彭澤田爲念交遊多冷落故人煖眼獨相憐

林彙菴邀聽謝山人彈琴

焚香簾幙靜試茗水雲閒有客攜琴至天隨神遇
間南風清小院西日澹高山操罷移情久悠然蘿
逕還

奉送靜園還臨洮予亦東歸伏羗

關河萬里異升沈相見窮愁總越吟欲別先期重
會面他鄉更覺有同心山邀鳥鼠空林黑水落魚

龍斷壑深

鳥鼠山
魚龍川

悵是東西分路去長城飲馬定

相尋

五月二十三日早發隴西

村外雞聲斷田間馬跡分水明沙上日雨宿嶺頭
雲游子多行路農人未出耘長歌懷短劍擬報信
陵君

還借柳居

客久疑新主居安信舊廬兒童迎巷陌鳥雀噪簷
除餅罄來朝粟塵封去日書從容還點檢生計柰

無如

西郊較射

西郭聊遊暑長堤密柳條雍容瞿圃集飲羽宅兒
驕草淺無藏兔天空有落鷗老夫徒善飯愧不似
嫖姚

手錄詩集成喜而作

述作踰三紀風騷自一家古囊雖破錦舊筆亦生
花刪定何妨逸垂芬不在華敢言詩律細我思庶
無邪

樓居

無事但樓居清風消長夏山南麥田收渭北漁竿
罷懶雲宿簷端倦鳥飛窻下慨焉白日馳動息有
代謝而我越草莽猶未歸旁舍如彼行露人向晦
不知夜

打麥

東家打麥婦與姑兩鬢山花壓短襦笑向隴頭行
路客爲調湯餅自當厨

懷子帥歸晉江

逐客猶他縣離羣忽判年北方無暑日南國正炎
天念子璠璣器勞于江渭篇何當一雁寄空與萬
人傳

望雨

雲自西郊密風來北戶涼收書看卷幔散髮喜移
床童稚歸村巷牛羊下麥場爲霖我所望庶或幸
時康

再赴隴西寓靜園法曹署中

觸熱勞形役孤身仗友生
謂靜園爲憐排難意不憚

留素堂集
傍人行待逐猶秦客懷歸尚越聲秋曹堪辟暑洗
眼白雲輕

南安喜雨

入夏糜田稿迎秋塞雨鳴石門含樹影渭水落沙
聲已得兼年望無愁乞食行西風能惠我吹送到
羗城

老罷

老罷何多事閒居覺損神乞書徒費墨嗜酒更枯
人藥販韓康價耕歸鄭谷春扶衰能養拙我羨上

皇民

立秋還伏羗

歸來王粲宅不覺動悲秋臨水登山遠高樓故國
愁百年無好日一葉更飄流坐對青青柳長吟忘
白頭

對奕客至戲占

遣日圍碁試茗杯柴門客到柳風開東坡居士好
看和在和靖先生且去來
聖阜客臨洮有寄

留素堂集 卷三 三
逢君初出塞別意已驚秋遠水河邊落空山鳥鼠
愁他鄉須對酒孤客莫登樓霜前白雁信定到越

江頭

早秋擣衣

一聞木葉下忽動擣衣聲塞外寒猶薄閨中月倍
明蹉跎青海信撩亂玉關情不敢遲砧杵將爲萬
里行

皈僧

傾危鸞鳳巢偃息蝓蛭宅阿閣豈不榮坎井聊云

適仰觀古達人朝市歸山澤於忽又奚爲幽憤徒
自責嵇生慚愧多龐老羈縛釋逝將皈竺僧巨石
消駒隙

七夕雨

天上波濤注酒杯人間瓜果夜筵開風簾月榭長
相憶雨蓋雲車及早來
銀灣風雨起秋波爲語公無夜渡河拚是佳期斷
此夕一年不恨別離多
今夕雙星何處懸明河空費墨卿篇天孫不比巫

山女亦學陽臺雲雨綠空費髮
雨雨風風鳥鵲飛河梁斷絕信音稀
夜來添得湔裙水明日還須再曝衣
公燕交遊四散且且

林藁菴見訪便送入都
林藁菴見訪便送入都

柳居澹秋色藻句發春華
述作玄暉手荒蕪元亮家
隴雲停處合關月望中斜
徙倚五株側風流籠碧紗

林藁菴見訪便送入都

高軒動行色陋巷訪居人
繫馬門前柳彈冠塞上

塵攜琴仍過市

林先為隴西今効罷復職

埋劍未還津

自將子謂

金臺去沈淪獨渭濱

寄李溯西

好言逢異縣攜手阻同岑
俱是隴頭客空為吳會吟
隔林分月色對宇結秋陰
不寐中宵寂離鴻動玉琴

秋來懶画遠山眉倚徧庭梧
月上枝忽見霜前飛

白雁無衣應是寄書時

留素堂集 卷三 三
青門知種邵平瓜荒却園松徑竹斜恐負歸來陶
今意時呼小婢護黃花
風流才子舊鳶肩江渭悠悠詩百篇可憶南村臨
水閣木芙蓉發看花天

當年錯愛養鴛鴦蕭颺池塘形影傷蒙寄鸚哥能
念佛催人早起獨焚香

知卿隴外賦悲秋獨對蘭缸憶遠遊舊曲自憐歌
白苧新聲誰學唱涼州

聽彈箏者

彩鸞檀馬紅牙杖西調凄凉動九絃流落人間教
弟子岐王宅裏李龜年

彈箏者明肅王府人

大像山下獨坐

半壁含霞綺餘陰發野花悠然獨坐者卽此是山
家雲裏梅檀佛河邊銀漢槎

山上有大石佛北臨渭濱雖來樹

下宿終愧滯生涯

水生倚公借我楊園開竇通徑樹榎規圍引
水入池掃板屋以待客爰作詩

垂楊一畝半池陰尚未零秋鳴好禽開徑却隨流

水曲結廬不異住山深高懸白榻供佳客移種黃
 花寄遠心辭吏子廉歸去晚清貧如涉故園林
 城市丘園隔一林羌人吹笛我彈琴風前楊柳不
 生怨月到關山只放吟偃卧蓬窗無俗物抗言鄰
 老有清音草堂鳥几如相待錄事何須許贈金

七月晦白露

迷方月既黑易序露初華興為登樓淺無情因行
 路嗟露有殘荷舒有淚獨雀警無家深負依光願徘徊
 河漢斜

和杜甫秦州雜詩二十首

已是羈棲客非同爛熳遊關河歸夢遠天地側身
 愁放逐成遲暮蕭條過早秋東柯殘土室端為杜
 陵留

荒蕪隴外邑寂莫漢時宮隗囂碧盃陰房出黃羊

竈窟空寒人不在地循吏有遺風何自悲杼軸無
 衣咏大東

虛巷雲歸宅昏衢風落沙望城四五里傍嶺兩三
 家夷竈炊烟冷枯桑崕景斜年來流水竭清渭未

堪誇

不才何入世無術更違時慚愧嵇康憤登臨宋玉
悲老來萬里外歸去五湖遲西母遙相望山際恐
間之
流落殊方老年過五十強乘軒我戴笠髮短自心
長詞賦憎鸚鵡鹽車困驢驢旅人何所伴相對暮
山蒼

西州聞雁早東海幾時歸吟罷強排悶泥中任式
微艱危絕交易貧病寄書稀馬上銷髀肉秋風緩

帶圍

防邊師武力健者在行間無俟通西域何如閉玉
關虎臣乘障卧星使泛植還烽火平安報歌麩有
醉顏

八月西風冷浮雲蔽不開山村獺獾山賊名警邊驛

喇嘛來閉戶觀書倦彈琴沽酒回空林漸衰颯落
葉令人哀

關山古隴塞汧渭舊秦亭明月經秋白流泉激石
青錦車馳屬國宛馬逐房星州縣勞人甚何如棄

野坳車馬因來供億繁西連瀕野澤南接漢江

地勢雄關隴往來供億繁西連瀕野澤南接漢江

柴門

源小吏頻除館征夫不復村行行避驄馬洗耳掩

饑寒羗父瘠痛哭塞雲低乞食如迓雨餐蒲不洗

泥賑荒煩聖慮蠲賦獨秦西
發粟十萬石賑平慶
臨鞏四郡又蠲今年

田猶是號鴻雁何當息鼓鞞

天靖山頭觀

玉泉觀

巖阿甃玉泉源非天水出清共

渭河傳雲洞隗宮北星橋漢柏邊至今祠李杜詩

興覺欣然

冀城門內柳板屋是吾家曲徑新開竇枯池舊漲

沙欲移陶令菊不種邵侯瓜自分安丘壑河陽懶

看花

憂埋長統地笑問屈平天無客須尋醉能詩不浪

傳驅饑隨身雀適意傍林泉自古多遷謫長安遠

日邊

辭家居塞外玩世閱人間玄崔何當駕青鸞祇在

山伯陽經已化蘇武老方還會見兒曹大能文窺

留素堂集 卷三
一斑
曾傳同谷勝連宰可同羣萬丈潭無地鳳凰臺入
雲回從摩詰妙韻與杜陵分他日來遊此清音得
共聞
風疾青絲騎星瞰寶劍光總戎開玉帳多士擁
墻治外非窮武臨邊戒處堂屯田漢充國此策最
爲長

待欲依人去途窮何所歸腐螢空自照
斂鳳覽誰輝心爲秋聲折魂兼暮雨飛朝廷眷西顧當不異

恩威

憶見都門信君驂解未難此身留隴坻何路渡桑
乾交有子公力孤於范叔寒越盟猶昨日藉在舊
鷄壇

強項非時好手援更望誰惜無一女子空有五男
兒未筮中孚卦徒吟貝錦詩蹉跎聊卜宅杖策覓
西枝

雙鸚鵡

偶得雙鸚鵡相依一老翁能言雖辯慧想嶽在樊

留素堂集 卷三
籠似爲同聲應多因蒙難中翠衿真可惜憔悴刷
秋風

出塞詞

旌門玉帳擁金符司馬防秋出上都爭看指揮雙
捕誰能面縛五單于

八月十六日遣使

泪下人還越心傷客滯秦浮楂方八月歸雁在三
春去路黃雲合他鄉白髮新年年勞遣使書信問
交親

寄曹秋岳

霜飛鳴隴坂書寄自并州

曹于去秋并州寄書

重以故人戀

還爲逐吏憂先容非任德排難是同仇鄉心隨越
鷺熙日望高丘

寄曾道扶

一官慚我拙八口藉君歸多難親朋累不才出處
非關山偏久客雨雪更無衣衰年思把釣北蕩有
蘆碕

寄繆文萬

家書漢陰至心事淚痕中瓜葛連東井絲蘿斷北
風雲兒與繆女俱亡雍端雖不慧秦晉尚求同莫以賢豪
棄无初望有終

寄吳準菴

離羣棲渭北別緒戀杉青杉青開與吳別老眼幾回望南
雲何處停路難登隴去夢易到鄉醒欲寄關山曲
愁君不忍聽

寄褚硯耘

六年無一字當恕隴頭人嗚咽聽流水難難滯逐

臣已忘身北叟又見雁南賓愧附朱陳好離居問
所親

寄李山顏

交情無貴賤音問隔春秋不少悠悠者可如落落
不杜門知課子出塞悔封侯擬掃求羊徑須同李
郭舟

寄朱近修

秋風送隴客執袂憶西郊患難誰憐病迂疎自解
嘲不堪石父贖所望范雲交歸來有白社重與話

林巢

寄顧劔英

明年歸可得遲日興還長念佛詩三昧

顧素草玄
俊佛

書一床以吾猶散誕將子尚清狂樂有南村老相

於飛鳥堂

寄張二酉

寂莫歸榛曲才名換酒錢風前臨白袷座上失青

蘊

張為廣文罷
歸兼有母喪

愁絕張衡賦荒餘陶令田乾坤容

我輩終得聚林泉

寄錢栢園

得見并州札知憐隴坂人為官我放逐作客爾因

親生趣真如寄窮途倘不貧同盟零落久回首各

風塵

寄馬爾繩

寄隴多書信憐翁獨淚流老年心易折關塞路何

悠窮未交期盡在還故態留須藏桑落酒待醉菊

花秋

寄王洧盤

留素堂集 卷三
聞君頭盡白如我，冒冰霜始信貧堪病。可能老更狂者英，開洛社松竹閉西莊。倘問歸來晚，明年籬菊黃。

寄無相長老

公健猶如昔，吾衰未甚今。但虛沽酒意，不得過溪尋。隴坻思歸客，南村有素心。將來好結伴，把臂入珠林。

戲寄濟上人

問師安穩否，傳說耳多聾。不落聲聞果，還如亡是

公相逢應握笑，未見且觀空。歸使難饒舌，投詩慧眼中。

寄海寧受茲弟

今弟少時蒙患難，愚兄老去備艱辛。須臾二十年間事，寥落四千里外人。未得言歸雙鬢雪，還期相見故鄉春。渭陽海浦真秦越，但有南雲接塞塵。

十六夜作

中秋後一日

平分秋色送人歸，此夕南飛鳥鵲依。秦隴水流自幽咽，關山月上少光輝。誰家撤燭賓筵續，獨我登

樓老興違却憶扁舟浮北蕩六年不到舊漁磯
八月十六夜泛舟北蕩越二日赴秦
癸卯

十八日赴寧遠縣

記得宦遊從此日恰因旅食倍傷秋
執珪莊鳥猶多病逐客李斯何獨留
兩馬一車非去魯憑軒作賦是依劉
分明羗父沙中語太息風塵老故侯

出門行

辭家出門重出門去此南村復羗村
回首當亭是故里西風吹度黃花園
爨琴抱鋏紅泉道瘠馬蕭

蕭踏秋草故人致我一緘書舊榻還為徐穉掃
關雲邊日落高丘清渭東歸背客流莫道樓卿
喉舌在但持筆札謁諸侯

野田黃雀行

野田莽寥廓秋風寒日微溝塍被禾黍薄暮農人
稀黃雀何喧繁同啄復同飛牛羊眠隴坂鳧雁集
渚磯相忘兩不爭獨得安飽歸如何入城郭忍此
空倉饑

廢將行

留素堂集 塞翁編 卷三 三

少年曾作羽林兒天下健者今當誰出身六郡良
家子跋扈心輕百萬師誓將金印懸肘後那知迷
道失前期辛苦空言大小戰棄置私門亭尉欺自
非沈慶緣老罷却因李廣多數竒雀轡蛇弓委第
宅通侯上將屬偏裨匣中鳴劍將何用斫取扶桑
蔽日枝

望老君山

老君山在眼日夕起秋烟翠落孤雲外丹舍反照
邊鳥飛知去路鹿過想耕田應是巖阿裏能容勾

漏仙

寧遠署中尋子帥寓室感懷之作

去日論詩地今爲遊鹿場主人仍款接賓侶少飛
揚東圃荒籬菊西園明月觴子帥寓署東徘徊思
舊好悵望隴雲長

送入京使者附書郭寅客陳胤倩

入覲輜軒使投邊徒步人相逢生意氣乃肯念風
塵郭泰交游久陳登肝膽真封書煩兩寄爲語病
兼貧雨中秋望早

留素堂集 卷三 雨中懷聖阜途次

西風吹暮雨歸客辱泥塗隴坂攀躋過汧陽利涉
無路難僮僕少裘傲朋友孤更念君多病還須藥
餌扶

山城聞鐘

漏盡霜鐘度床寒客夢清
飯僧始有意送雁久無
情淒惻迴風末微茫帶水聲
身遊在方外不道滯

鰲城

秋日寓署率題

西園掃館漫相招流轉蓬萍散寂寥
攜伴小奴如野雀坐聽清渭似江湖
讀書忽憶青蘿屋寄友還憐瑞草橋
旅興鄉心風日好登山準擬在明朝

聞許仲將左遷建昌丞有懷

許先為石阡司理即古夜郎地

不辭星渚謫且喜夜郎還松觀來堪咏

建昌冷水觀有壽松

許旌陽掛劍處

雲司去得閒籃輦尋遠社青眼對匡山江

漢東歸日能忘明月灣

明月湖在建昌

睡

獨眠如習靜好夢即長生
觀化華胥國飯依舍衛

留素堂集 塞翁編 卷三 三

留素堂集 卷三
城已知無住著何處有形聲柰爲此身累晨興逐
物情

悲秋

悲哉秋氣滿涼秦老却虞翻作逐臣塞曲不堪吹
笛晚寒砧何處擣衣新雁飛隴月十年信蓬轉河
風萬里身節使臨邊頻採訪誰言渭叟尚沉淪

送客之涼州

秋風白草路西出黑松林早棄傭書筆知懷題劔
心南亭他日宴塞曲到今吟且盡一杯酒雲池寄

好音

涼州靈
雲池

京師秋大水決東西河沿靈佑宮前火出地
中

火光連別院水勢嚙通溝應切桑林禱還同瓠子
憂調羨須曲突作楫有安流寄語朝中舊無虛京
洛遊

清渭

清渭落城頭中宵枕渭流觀濤過八月聽水及三
秋帶雨魚龍喜兼風鳥鼠愁淒其寒不寐歸思共

悠悠

出寧遠西關渡渭陽野宿

西尋沙路遠北渡里門稀水落蒼山斷田蕪白鳥

飛孤村投浪士高柳帶寒暉未盡冥搜興來朝入

翠微

渭陽新月

遊魚去樂國新月漾清流邈矣渭濱叟嗟今無直

鈎

過礫石川望魯班山

層陰生遠壑靈籟發清川杳窈迷鳧鳥徘徊緩馬

鞭雲端一僧定

大休長老
住山中

谷口午鐘傳錯過名山

去終尋石上緣

對雨感懷

積雨秋陰滯羈人鄉思長何堪衣結敝况是北風

涼短劍寒難看離琴淨不張蕭條空度日復此逼

重陽

逢許鐵堂

旅處忘佳日花前遇故人銜杯情爛熳失路話沈

留素堂集 卷三
淪詞賦名何益交遊老自真餐英共此夕攜手各
沾巾

九日雨霽同友登鰲道諸山

早是雨吹風將爲秋送窮却逢山色好不放酒杯
空皂帽峯前側黃花潭上叢登高我望遠作賦屬
諸公

感遇二首

少年三賦獻明堂文彩才情美馬楊日照藉盤猶
澹蕩雲霾沙磧更昏黃非關晚節稱狂客可道爲

官是漫郎搖落徒傷千里日秋風幾度雁南翔
黃花憔悴被空庭徙倚孤吟醉復醒惟有敝裘熙
日煖還將老眼對山青負人愧入樂公社顧我能
忘子玉銘湖海浮沈聊遣悶新詩題向狎鷗亭

容我

入城非樂地容我是閒園開卷如逢友高眠只閉
門將無累安邑聊此作平原看到秋花盡東還
好負暄

戲題

無官容放浪玩世足憑陵五斗酒還少一升飯不
能餐霞辟穀子飲汁坐禪僧元是仙都長西來演
大乘
戲與傭書人
几上攤來錦繡段眼中看盡珊瑚鈎不勞投我管
城子卽此封君定遠侯

楊君贊再至羗中

頻年勞問訊萬里獨驅馳下馬看行色持書感舊
知將殘兩牙齒未送老頭皮不學深源泣徒傷親

戚離

秋岳書至爲予訟寃兼招歸去慨焉擬寄

萬里通書到冀城解紛招隱見交情水深惟恐蛟
龍得山遠多慚猿雀驚塞外飛蓬催我老淮南叢
桂傍誰榮葛巾歸日重尋醉肯爲車公一座傾

立冬日歸伏羗作

岳嘲久出塞隴笑又還羗皂帽兒童識寒沙道路
長禦冬無旨蓄貯句有空囊日落山村晚蕭蕭我
馬黃

十月三日夜夢得身入白雲鷄犬閒句枕上
 續成一律
 夢賦遠遊人世間銀魚焚却未還山家居東海桑
 田在身入白雲鷄犬閒從此褰糧尋太華便須采
 藥駐童顏抖擻浮生往樂所歸歟瓢笠到萍關
 陳洪瞻攝別駕事至羗見訪
 巷陋不鳴騶言尋柳市頭看花先問主索酒竟登
 樓鄉語多真率狂懷畧應酬題與延佇久於爾見
 風流

屢在淇瞻攜酒柳居促坐夜飲

陶令遊閒業王弘送舊醅相逢無十日每飲必千

杯葉落青山出窻開明月來冥然斯會好如意舞

高臺

無題

洛浦靈妃墜翠去漢濱遊女弄珠回欲將羅纈慙
 慙贈莫負他年杜牧來

送姜千戎赴京補職

薊門迢遞出關東匹馬蕭條兩臂弓萬里橫行猶

留素堂集 卷三 是健十年流落未爲窮西州暫奏清商別北關還
售寶劍雄獨我據鞍無柰老不能投筆更從戎

遙代家人作

八月遣書計日應到故作

花燼繁昨夜蟾子懸前除寒閨有底事果得關西
書

藁砧書信至道是明年歸開箱檢羅綺分妾製春
衣

小姑懶織錦小兒懶學書爺歸定問汝阿母當何
如

庭中數鶯鳴檻內看猪羊料得前賓客還來舊草
堂

薙却窻前草滋君手種蘭羅床連理枕掃待春風
還

遣歸兩小婢能作羌中歌爲言君對酒聽歌不厭
多

幽人

階下流泉屋上山竹村茅舍白雲關幽人鎮日無
他事危坐彈琴松石間

贈咸寧郭丞九芝

浪漫誰相識雲霞我亦能已辭彭澤宰不負六安

丞關月逢園客萍居託野僧郭以餉役至隴西寓居萬壽寺交游

曹子建流藻足憑陵九芝為子友曹秋岳舊交

轉運關中餉逢迎塞外人不言行役苦但勸酒杯

頻治策偏憂國離騷共逐臣河梁今會面別路定

交新

贈岷州李守戎

屯田上策備邊州鎮積烽烟靜戍樓射虎岷山夜

羽沒觀書玉帳曉星流羗人款塞皆務而漢將歸

營獨飲頭誰道功無大小戰即今李廣定封侯

重題報國寺陋室

每過斯陋室咄咄在其中寤寐成言咏飢寒度雪

風鳥皮几已破白墮釀還空惟有銷愁物年年詩

一筒

送郭丞還京兆

送客西風馬首東盈囊詞賦未途窮雪深隴坂千

山白日近長安萬井紅已識秦中有隱吏莫言塞

上遇悲翁天涯歲暮輕分手別後魚書渭水通

楊雲嶠郎中見訪不遇惠我尊酒此寄

世眼久無我古心獨有君漫勞頻送酒不得細論
文出戶應同懶離居足渙羣寄言慰寂莫東郭暮
停雲

喜遇遼陽秀才孫太青張天若

代起斯文盛清才畏後生風流殿前柳金石賦餘
聲舉世真形穢而吾覺眼明所聞如所見磊落已
多英

天衢鎮

踏雪向天衢蕭然興不孤斷山晴碎壁亂水曉連
珠路識樵人跡饑聽野雀呼前村高酒價馬上自
提壺

寄郭丞

白雪黃沙積隴坻美人相見定何時歲云暮矣冰
天外歸去來兮春草遲看劍不鳴吾失意引杯共
語爾留詩長安驛使虛消息望寄梅花報柳枝

十二月十三日送君贊南還

送君酌酒傍河濱，憑寄家書萬里身。
舊曆將除關隴月，新年會探洛陽春。
教兒破產留先業，貽我清貧與後人。
辛苦莫辭江渭路，還隨歸雁向邊塵。
沈郡丞李明府見招過歲不赴有作
寥落幾忘逼歲華，故人念我在天涯。
相邀幸舍終慚客，久寓他鄉似戀家。
雪後初開缸面酒，春前早看牖梅花。
一年懶散無多日，莫待周璆且閉衙。

除夜

爛醉杜陵因守歲，少眠白傅爲臨春。
由來新故偏多感，况復窮愁祗一身。
戶外兒童笳鼓競，燈前形影酒杯親。
勞神詩句休貪作，過甲明朝是老人。

留素堂詩刪卷四

浙西蔣薰丹崖著

男名世較

塞翁編

巳酉

新年

去日愁多累新年喜屢空世情消隴雪吾道領春

風疲馬溫泉路寧遠荒廬朱圉東伏蕭然獨來往人

識杜陵翁王莽時童謠云楚國二龔不如杜陵蔣翁

題李因梅鵲圖

只看烏鵲喜似覺隴梅香度徧江南曲春風到草
堂
空林
空林寒鳥鳴聲切求其侶繫我樓居人獨坐誰與
語晚烟還南山野水流北渚萬物各有歸一身何
所處灰心無存亡槁形無爾汝靜與若士遊軒軒
覺輕舉

西軒

寧遠署中

我生隨處寄復此住西軒視洗故池水題留舊竹

園床書依晝靜林鳥入春喧爲惜窻前草時時獨
閉門

元夕

廣寒官樹影婆娑燈火喧闐逐處多不是人間天
上異春宵冷落老姮娥

雪望

卧起還游目欣然已淨心不知開徑處更覺住山
深樵路青鞋跡春風黃竹吟端居有餘興何必買
舟尋

正月二十日

先茂才公生于隆慶庚午及今百歲

但拜行祠思墓土漫勞望眼向江東天邊遙奠一杯酒地下應愁百歲翁

題西廂記

西廂安得有崔鶯造業文章慧業成好事惺惺還是夢相思死死已無生

詞云惺惺惜惺惺又云害相思我甘心兒爲你死死

空門情種元非色侍女將軍盡弄兵當場道學傳

優孟一段風流出志誠

詞云誰無志誠又云我則怕別離了志誠種又云真

心耐志誠捱

聞子帥補掖縣丞有懷

清丞小隱海東頭縹緲三山憶遠遊

掖有三山亭

魯酒

齊歌猶可醉隴雲關月幾登樓堂琴應有移情操

春水須多採藥舟李杜交期元不淺新詩何日寄

沙丘

沙丘城在掖境李白有沙丘城下寄杜甫詩

夜

春暝有餘寒下帷方丈室誰是長嘯人孤燈抱我

膝階莫盡黑月西崦藏白日自顧入漂浪猶然好

紙筆俯憫身世間欲示維摩疾

隨緣多淨土閉目少在華未得能皈社無妨尚在
家可知山上鯉不苦井中蛇飽食有何事參禪且
喫茶

見彈雀將死念佛度之

不能穿穀飛痛此瓶中雀莫逐耽摩遊須教菩薩
縛

坐見

白雲去已盡蒼山澹無際坐見暮鳥飛投林從此

逝山陰一夜舟江臯百晦蕙衆芳邈難期高興誰
與繼浮沈隴頭人不夷亦不惠欣然覺淨忘常得
安心偈

乾行戲予老思買妾詩酒圍碁之餘近復學

佛用韻解嘲

洗將心似水短却鬢如絲醉起尋碁局歌成待雪
兒郎官雖易老男子自稱奇更學支公法海遊會
作師

孤坐

留素堂集 卷四
孤坐留雙眼空庭絕四隣寒山猶向日枯樹不知
春湖海歸人少親朋入夢真衰年頻覽鏡白髮幾
回新言雖是未良千日滯青夏學支公志尚欲會
出都半春水賦壯歲吹絲柳並春其氣新氣許也
北渚蓼芽難餉客東隣柳眼未窺臣隴頭二月雪
如雨不似江南一半春

竹鎖

閩之上杭截竹爲鎖甚工巧
景陵鍾惺銘之予贅以戲解

辜負當年瀟洒侯綠殘粉褪曲如鈎湘妃無事君
拘管合與黃州鎖一樓

鎖解

曾閉西莊給事園而今三徑尚關門拚教嵇阮歸
林日任截郛筒作酒尊

秦安令

走馬南安早渡水入門索飲酒三升解刀未暇寒
暄問割肉先分兩臂鷹

對節花

經雪含芳待逢春次第開那知憔悴後更得瑰妍
來色染梨花雨香分竹葉杯枝枝相對好欲寄惜

無媒 李府席上送孫秀才

隴外新知晚淮南故國情相逢酒一醉惜別月三

更歸路生芳草還家聽暮鶯荆山有美玉早是重

連城南

奉送隴右廉訪赴轄黔中

分陝河湟重臨邊雨露齊五年雲署冷此日嶽班

躋明罰欽觀火揚仁頌放麇疲民懷襁褓弱吏感

提攜隴雪清關路春風送馬蹄賢勞萬里外左轄

五溪西命駕離成紀前途出上邽花封過舊治

為秦州守成紀上邽皆其舊治 牢醴獻蒸黎負弩青羗卒攀轅白

馬氏牂牁開郡遠參井望星迷戶版歸紅徠川原

澹白泥氈衫禮自古木契信如圭救暍知揮扇治

紛早佩觿公來猶望歲俗化定芟稊布鼓文丹漆

鉛刀瑩鵠鵠驪駒愁有賦雲路杳無梯恩貸冰霜

俸公分俸贈別 陰虛桃李蹊高旌瞻斗宿深甕困醯鷄

南紀消炎瘴西戎怯鼓鞞無時重入幕泪盡但含

悽

春夜

無意憐春色孤情任夜闌
卷書燈落燼聽月漏催
寒多事尋胥夢勞生看舞檠
何如持半偈不用把
心安

奉寄儀部侯仙蓓兼問公升南林二子

猶憶君房愛客情西巖樽酒聽溪聲
長鳴冰雪留

雞塞

自舉翮雲霄向鳳城

謂儀部

新禮不須隋故事

威儀倘待魯諸生

謂公升南林

舊交多半十年別可上

金臺谷口耕

紅泉寄友

昔年自號仙都長今日人呼塞上翁
若問歸來秋木穩借帆待泛五湖風

麗人

麗人春日見洛浦賦穠纖回步留綦跡
安釵露指尖不藏錦繡幕合映水精簾
幸未入官去無從妬隴廉

和杜甫寫懷詩

次杜原韻

伊予吳越人溷跡氏羗俗平時多放曠
投老反拘

東栖栖河隴間何處容我足空負谷生札不敢趙
壹哭飄泊同寓公虛窻秉短燭未能棄身世聊此
忘榮辱寒衾有餘布疲馬有餘粟相對朝日均山名
春光滿陽谷萍蓬任流轉因依縣幕綠時在寧卜
隣雖不孤偶影終成獨遠慚富春瀨緬想鏡湖曲
自古賢達者餘生託卑牧

池上

還伏
羗作

睡起無他事閒來池上尋柳疎春色淺水減石苔
深隙地空栽藥虛堂稱遠心如何遣寂莫候客有

孤琴

沙溝

伏羗縣西入溝
南出關子鎮

槐樹嶺西路沙溝宿草荒溪聲空日夜山勢隱堂
隍兩岸猿猴叫深林獺獾藏溝南打虎峴
爲獺獾賊巢我行窘
捷徑改轍失周行

相逢行

馬上相逢高秦州一見驚呼若心許可是同官舊
有交茫然下揖無半語眼中不少白頭人笑問恐
非我與汝

臥

和衣卧板床好夢過白日起視半庭陰清風徐入室靜與機事空悟覺直心實無喜自忘憂無得不患失澹蕩任疎慵管管世網密

瓶花

銅瓶注水碧琉璃盡日分來入硯池昨夜香風過別墅隔牆折取杏花枝

三月二日作

暮春寒未已獨坐撥爐灰夜雨飛殘雪邊風動殷

雷好花開冷落飢鳥去徘徊遙想山陰道明朝修禊杯

上巳生日

暮春桃李滿邊城曲水長茵四照明屈子孟陬先

我降杜陵流寓有餘生

杜甫卒年五十九子度六十故餘生

茂林修

竹成往事隴酒羗歌空復情西望崑崙遙在眼白

雲無間客身輕

遊魯班山空禪寺

谷口桃花數樹紅却隨流水到龍宮看山十里奇

曾素堂集 卷四 九
峯出駐馬孤村，紉路通石磴。已凌飛鳥上，梵聲猶落白雲中。更攀絕頂從何去，無著浮生頓覺空。

李明府邀飲空潭上

潭在空禪寺下

流觴潭上酌，醉客酒如泉。細草侵茵席，孤松韻管絃。此間聊免俗，何處更逃禪。我意未能去，還教陶令眠。

哭楊際亨

懶慢能憐我，窮愁竟及人。百年尋一夢，老眼哭殘春。瓶罄留塵甌，尊空掛葛巾。不孤嵇紹在，書篋未

全貧

園中

幽事園林好，閒情春暮中。玲瓏垂柳月，細碎落花風。倚樹聽鳴鳥，分畦灌晚菘。杜門容此日，蕭散白

頭翁

與洪瞻文江飲乾行署中

余熟愛對園竹

月白山城夜相逢，舊弟兄能詩如謝客。可飲有公榮不覺，花移影還聞鳥弄。更主人雖懶散無計避，狂生春日讀書

春日讀書

春深人倦下帷來
枕上殘編睡眼開
且把荒經注
山海還將古史佐
尊壘淵明已愧非
徵士君實無妨是
秀才何日長塘泛
書舫石倉應蔓故
園苔

戲安溪李世圭

隴寒春老花新鮮
花落香泥春可憐
不見紅襟海

燕子

世圭閩人
比燕戲也

銜泥上壘伴花眠

偶成見意

老滯邊州形影孤
浮沈到處一潛夫
眼昏那復分

青白春夢何須說
有無花笑詩蠻原
解語鳥欺客
醉故提壺平生浪
作滄洲想但泛虛
舟路不紆

舊燕

舊燕重來隔歲華
差池不為隴頭花
向人似戀巢
君室難說江南更
有家

當爐曲

短袖羅衫墮髻新
青帘低惹綠楊春
自從貪嫁相
如後看盡成都醉
酒人

落花

留素堂集 卷四
種成芳樹碧籠紗纔見開花又落花流水引來魚
戲劇游絲牽去鳥銜斜飄零春色空傾國偏側東
風不到家莫怨泥塗能久辱故枝綠葉待年華
讀海岸先生枯魚過河泣詩有感次韻
枯鱗昔已泣涸轍今無居入幕愧燕燕沉淵美魚
魚

仙人

寒松灰化石朝菌生小年菌生松已灰榮落誰後
先共閱人間世長短一俄甦蜉蝣長子孫玉喬葵

玉棺微蟲不絕種仙人無墓田

漏盡

漏盡紙窻白酒醒布被溫鐘幾棲鳥夢風掃落花
門始覺一身客將謀十畝園南村有舊社林下幾
人存

旅感

飄泊關山下澤車依人偃卧小窻虛有心棄世聊
玩世無力買書只借書滿地雜花沾作土倚天長
劍折爲鋤故園萬里風烟斷客滯春歸日月除

黃刺梅
承露却嫌枝綴雪
向陽不愛月沈波
檀心綠萼無
香色占盡春光
棘刺多

白髮

持律律在心
燒佛佛不呵
恒河無童老
白髮如予

何故

還羞對酒作

聖賢骨已朽
大道久有光
庸愚腹常滿
百歲終必
亡坦坦於中
樂戚戚徒自
傷庶幾得情
性通達我

取狂哭世可以歌
徙身可以忘
處窮不留送
嗜酒任低昂
或訝今絕少
誰知古遙學

偶得狼子羣
鷄競啄啞然屬筆

世道日就頹
輕薄何所止
困虎同喪狗
南橋爲北
枳斥鷃笑鳳
雛羣鷄啄
狼子人事有
反復失勢多
如此

春盡

九十春光盡
虛徐客况長
新晴深柳巷
宿雨洗苔
墻身路秦雲
外漁竿渭水
旁好時容易
過獨自立

斜陽
纔度溫風未脫巾
草熏花落厚苔茵
卽看小蠹過
三月欲送還留一日春

新夏
鳥翻花片碎魚滄
荇絲勻時序方初
夏風光似閨
春客稀容解帶頭
禿懶施巾
車馬門前路園林
隔一塵

閒居
閒居無雜想兀坐一
匡床身度雲移樹
蝶隨風過
墻看山臨屋宇聽
水入池塘清淨餘
禪悅空花散
妙香

隴外感古

兩河千里蔽黃沙
六郡豪華未足誇
白草連緜秦
漢壘朱門零落麩
游家玉關不復留
屯戍天馬何
當出渥洼惟有邊
城明月夜數聲羌
笛雜胡笳

楊花

楊花飄蕩過東墻
搖曳窻前有底忙
點水不隨春

雪盡出林倘與白雲妨晴絲亂惹渾無緒蝶粉輕
沾更覺香飛入硯池還復起揮毫一片似銀光

紙名

一途次逢乾行寄詩招看牡丹次韻

寄詩好擬清平調速客知傾鸚鵡杯羗路三义分
柳色紅泉一騎報花開

輓夏參軍時遇

吁嗟灰道路潦倒哭風塵此日招魂者當年同患
人予與夏同受有兒能挽紼無地可營窀異域交
期盡傾河淚涓濱

題李乾行明府北廳

退食委蛇遠訟庭高人結構有林垆小堂遙擁雲
山幃短竹新開翡翠屏日轉花陰容雀立水泠渭
曲帶琴聽秫田不種多藏酒肯向人言我獨醒

雨過

雨過蕭齋後晨光小院東柳絲懸淨綠花淚落鮮
紅聽水頻移坐寫經還向空呼童來掃地早有卷
簾風

對牡丹有感

看花貌道日却憶隴西時勝事同人樂孤芳只自
知澆愁惟有酒遣興不能詩徙倚憐香艷光華寄
一枝

籠鳥數頭脫去其一率書所見

鍛羽忽搏風飛鳴別塞翁知渠報林侶尚有在樊
籠

南山謠

潘使檄寧遠縣于老君山開煤
鑄錢役夫至折肢體終不得

池中有灰石中無煤持此鑿斧伐彼崔巍 寧耕
渭陽田不用隴西錢折我肱塌我肩誰為此老君

山

老

六十未云老

禮六十曰耆
七十曰老

婆娑槁木寮已看髮種

種不覺耳聊聊仲子愁何寄莊生遊自遙須除百
一病煩惱定中消

鸚鵡夢

雨過梨花曉未知雪衣寒擁傍羅帷隴山不識還
鄉路猶記呼人響板時

觀舞被牌行

閩人易藤牌以被兩人
持鎗護左右輕捷如飛

三疊猩紅木棉被赤脚纏頭錦半臂梨花鎗遶兩
腋風寶刀側入裂雙皆須臾撒被電流光畧陣驚
奔虎豹騎馬蹄斂吃縛雄兒飛揚看著將軍翅

旱

旅人望歲切入夏我心焦雲自西郊密星還今夜
播良苗亦已槁毳窟得無燒何所謀歸計空懷叢
桂招

小雨

小雨侵風慢輕陰蔽日車綠勻無間葉紅綻未開

花珠網蠟垂戶香泥燕作家迎涼容偃卧隨意枕
書斜

起早

起早已喧鳥比隣只惱鶯關山尋夢倦風雨入詩
多獨坐悶如此出門交奈何朝來泥活活尚是望
滂沱

雨雪

遠峯雪片白近樹雨痕青衣薄欲披絮酒醒愁罄
瓶皈依金粟影坐對綠莎廳乞火煎新水閒翻陸

羽經

寄貴清山素公

往來成二老風味憶三立飛錫威儀見

去年遇公于南安郡

還山妙處傳文章終是業解脫恐無緣覓得藍輦

訪須參白足禪

前身

東海釣鰲客西羗煮雉人世情憎獨立我意罷垂

綸尋社欣三笑觀空悟六塵頭童渾似秃次律

房瑄

有前身

今朝

今朝微雨過庭草綠紛紛獨坐聽林鳥前山起白

雲

小堂

小堂纔十笏容膝有蒲團砌雨草初碧爐香灰未

寒聲聞無處著天地此中寬從識如如法多將泡

幻觀

雨霽訓寧羗齊判官次韻

零雨斜陽散冥濛賦聲一擲欲摩空草粘天末鴨

頭綠水落河干魚眼紅可語應愁無片石得詩已
覺有清風如君裘馬多高興隴樹秦山彩筆中

端午同李明府飲朝日均

徒然吟楚澤共此醉蒼梧遣興觀童舞何勞競水
鳧泉流暘谷煖野眺小山孤堪隱不須買草堂費
有無

會飲芍藥花下

錦亭風日煖花會擬維揚翻影移苔砌徵歌促雀
觴玉盤仙掌露金帶綺筵香

玉盤玉盃金帶
圍芍藥異種

更似紅

粧好凭欄記曲娘

渭源縣

青山臨郭遶白月對樓懸飄泊三年老栖遲一宿
緣故人多冗劇賤子省周旋滿眼傾筒酒孤吟坐
馬羈

雨沮

雨沮首陽縣

卽今渭源

雲深鳥鼠山荒城有宿客候吏

未開關惟聽水幽咽更無人往還漢書高作枕我
比子才間

登鳥鼠山

尋源窮遠目水盡更登山鳥鼠一羣聚熊羆萬里
閒草荒洮塞路烟接鳳林關白首猶行役投邊老
未還

臨洮郡齋逢沈子南還

孤鳥西飛聚一枝相逢柰是別離時洮陽流水去
何急隴上白雲來有期舊榻未懸無事掃故鄉獨
遠不堪思平安但報老身健世路艱難爾所知

遊西崑寺登落青閣

獨往尋山意憑高玩物幽晴川消蜀雪洮水由蜀
松茂歷西
山香樹隱邊樓鷗泛如空際鵲巢更上頭西來從
此渡彼岸有虛舟

觀洮水作

山光連遠碧野色入平蕪水落分晴渚雲生亂浴
鳧灌園通棗溜洮水旁有
上園下園卜歲拾水珠土人于臘
日向洮水
中拾水珠
以上歲稔源探西傾近流歸東海紆

逢周雪菴還太原

相逢下馬揖孔李是通家杯酒斯須話關山于役

贈枝條攀塞外意氣託天涯去去并州路回頭西
日斜

金城侍郎東巡行

朱明燁赫巡東陲

臨華秦州
俱在蘭東

雲旂星旆何陸離朝

乘鷺車夕驄馬望城面邑盛威儀竭來侍郎兼御
史七年三見羗中馳供帳玄黃蔽道路騎吹參差
奏涼伊華筵珍錯窮山海浙米矛頭把劍炊州縣
小吏牛馬走身如墜井復騎危曾傳按部蘇章懼
更言觀政肥親知此出終須厭人意聞風解綬今

爲誰

萱花

綠葉因風起黃茸亂蝶飛憂來常不斷何自滿巖
扉

得郭丞九芝寄書併詩集

清詩成妙集近事悉傳書李白真無敵潘安出有

車

丞時攝
咸寧令

修詞吐赤鳳問俗駕蜚魚千里從游阻

勞思山隱居

楊園新月

偶向柳邊開翠帳却因風過露銀鈎分來半照不成影
捎去叢條未掛樓若有人兮目眇眇而無喧
處水悠悠望秋猶耐先零落世說蒲柳之質望秋先零肯使青娥笑白頭

來夢兒

迎懽不比千金意送睡無如來夢兒注口櫻桃齊
絲纈細腰楊柳映紗帷後庭曲度華胥早別殿雲
歸神女選最是黑甜到白曉任他春怨與秋思

子夜變歌五首

懽如望後月初圓終漸缺妾似雨中桃點滴淚成
血

絃斷音不歇藕斷絲不絕可憐初春花已過三夏
熱

昔爲夜度孃來去冒風霜白日不相見羞殺團扇

郎

迎我六萌車致我雙鯉魚懽心玳瑁薄折軸焚情
書

自從得梧子同生願同歿脫葉不附枝吹散西風

留素堂集
卷四
三
裏
書
鋤園

荒園地不熟微雨夜還滋瓜蔓草中出葵根井上
移長鏡今託此一壑自安之折菜錢何用畦蔬蔽
墨池亦盡秋來去月風露

饑鷹

饑鷹起塞田羣飛摩雲烟是物不多見何爲滿西
邊一二逐黃雀側眼藩籬全三四啄糞蛆飽颺腹
果然其驚擊野雀雀啖不聞天灰蛆生雀笑矯矯

誰爲憐

規僚友詩

讀書行我學溫飽安足討道污或從污致身有素
抱當此州縣勞一出非小草脂嫌姑臧潤塵覺萊
蕪好但得隱之清何愧陽城考念民冬無衣不願
君裘早念民夏無居不樂君堂掃膏梁君兼年野
饑待剥棗旨酒君盈筭鄉禮未飲老風霜肅威稜
雨露發枯槁撫字寓催科扶持起顛倒塞翁本迂
人苦言憂心擣

雨後閒居

壞壁土花落支門鳩杖斜無錢斷卯酒有圃種辰
瓜居士三車地先生五柳家簾前舊鸚鵡不記喚
琵琶

羗中卽事

老向邊城落白眉浪將筆墨度生涯寂喧却似空
州舍華妙何如儋耳詩爰足山中來朴握鬼科頭
樹下集芻尼鵲故人勸我歸田早北叟南翁自有
期

怨歌

不平羗路渭河灣顛顛顛椒蘭靡翠管欲渡天門山
終窘步隴東猶隔萬重山

悲高臺

悲高臺築怨令人哀北堂俯繡幙南巷夾青槐問
君更何樂臨民湫浣來臺築羗縣署中香車日日過綺窻
面面開一朝不得意土木乃禍胎徒聞韓憑役空
爲薛芸媒悲高臺生蒿萊

結交

蕭朱何隙末張陳竟凶終結交自有道勢利敗乃
公攜手相投分難保中心同責善不可負數疏亦
取窮依劉誤王粲薦禰昧孔融君子審進退寧拙
無爲通

細雨入園視雜花

拄杖涉東園沿池過方宅徑滑不可步雨滴落樹
隙溼我雙行纏忘著兩蠟屐好鳥忽一鳴如喚護
花客黃萱間紫葵百卉潤光澤貪作老夫詩偷被
兒童摘

往時

往時持官價咆勃問屠夫小錢索大秤謂是公家
須竈下養叩門男迯婦就拘饗饗無乃甚呼號如
剥膚大吏行人竟簞簞責其污如何口腹累致以
身名俱寄語肉食人好牧商丘猪

遠遊

幽石起白雲雲歸還抱石廣澤生浮萍萍飄不離
澤繫我遠遊人時時念墟宅風在雲去林水落萍
懸磧萬事安可料多爲造物役堂前已密柳門外

未種麥吳會當復還夜郎寧久謫寸地尺天中一
身分主客後人秋想念銀字風玉雲去林木
日長少機事累足縣門路微風細雨來暑氣盡高
樹偶從羗父言或與蕃僧遇九夷豈可居大道莫
容故阮生喜醉多巖老貪睡足蘭操旣慵彈橘頌
無心作頽陽晚夕陰再晨亦虛度

五言晚酌

不免用心苦所累在識字何以息我勞向晦未假

寐呼童去提壺親手自滌器但得松下斟了此一
日事

黃鵠

鳳鳥久不至日夜聞鴟鴞沙風破人肉塞雨鳴瀟
瀟妻子垂老別羈魂合自招黃鵠何當舉我獨愧

田饒

張武二秀才見過論文留飲楊園

南邨一士醉魯國兩生來議禮豈吾設論文有爾
才青袍侵碧柳彩筆潤霞杯已整搏風翻秋高天

未種麥吳會當復還夜郎寧久謫寸地尺天中
 身分主客豈人執計念熱字風玉雲去林木蒼蒼
 日長少機事裹足縣門路微風細雨來暑氣盡高

門外既貼免後字樣
 與手持公牘人可
 不必放逸
 門外既貼免後字樣
 與手持公牘人可不
 與手持公牘人可不

藝林堂

鳳鳥久不至日夜聞鴟鴞沙風破人肉塞雨鳴瀟
 瀟妻子垂老別羈魂合自招黃鵠何當舉我獨愧
 田饒

張武二秀才見過論文留飲楊園

南邨一士醉魯國兩生來議禮豈吾設論文有爾
 才青袍侵碧柳彩筆潤霞杯已整搏風翮秋高天

留素堂集 卷四
路開
翩翩雙燕造房育雛雛成去此集于菰蒲豈不懷
歸春樂秋吁言念銜土同心卒瘖他人入室時乎
爾徂
幽發枕流趣濃移坐石陰業貧容學鍛避暑就鳴
琴鳥踏翻無意雲過亂不禁戲持長柄塵拂去復
還侵

思北蕩

他日夏六月薄暮具舴艋北蕩饒蒹葭乘興泛清
景溪老兩三人相與共酒茗隨鷗狎漁翁曲折盤
泉迴入手青紅菱牽衣短長荇浩然綠水歌徐覺
迴風冷此事已十年塵污忽深省逐客尚滯秦免
官未去邗緬想水中央佳趣何時領歸當侶魚鰕
願復同鼃鼃

漳浦蔡華聯別駕見過小飲

因親來隴外倦客出關東作意蓬居訪相逢柳市

留素堂集 卷四
中當歌聊對酒前路不愁窮莫說羗城過煩人訊
塞翁

薰暮齒六袞忝科目者三十四年矣而子衿

小友稱弟投刺戲爲詩

短髮垂肩雀背陀端居念佛病維摩一身老去兼
貧賤四海無兄有弟多

羗雨

多事煩師伯終朝行雨風田淤難躍馬水漲欲騎
鴻隴麥妨農割河橋費吏功撫軍巡邑至除道漏

天中

感遇

度德吾衰矣違時安用之琴池生有蝨龜坐食無
蜩貪病猶餘骨陽秋不合空窮途交未絕空咏北
山鷓

釣竿

頽尾旣子子清渭復涓涓去此胡不樂沙石紛糞
緣猶勝鰕與鮒日游潢潦邊釣竿久寂莫誰寶靈
秘篇

無題

眼中人去隔雙星
泪落園扉獄草青
待欲迎新步
道絕故儂不得別
鷄亭
葳蕤深鎖不開顏
崔子黃生斷往還
從此洗紅慵
理髮守官無事更防閑

宋清水攝羗見訪下問利弊不覺移日有闕
展待

新尹不忘舊諮謀
及老夫清名爾早著
苛政我元無
但識時宜便莫愁
風俗殊苦言異鹽
酒何以解

飢飭

絕句六首

零雨垂簾重微風過柳斜
書魚常出枕秋燕未歸
家

連楹山色淨密樹鳥聲長
乍可收團扇朝來細葛
涼

賦老愁枯樹詩窮咏破船
鬚眉異昔昔物候換年
年

業白無千偈眼青只數峯
客來呼侍婢爲檢密雲

龍
 硯焚猶弄筆官罷未歸農衰颯五株柳菁蔥四小
 松
 吟多江摠老病渴馬卿歸獨有流離者他鄉望寄
 衣

夢兩幼子

統膝中宵夢升兒與寓兒讀書能並記舞綵學雙
 垂喜覺園林舊驚看毛骨竒如何萬里去會別不
 多時

身老

身老無長策囊空看一錢未能嫁樊素更欲遇王
 年採藥且休矣炊沙何有焉委心還任運貧子只
 隨緣

秋風

七月秋風起六年鄉思淡但逢更物候不覺動人
 心雲漢近容渡江河遠至今家書盼未到咄咄獨
 南音

追懽

斷續雨絲細織拳月影微歸人無數去倦鳥不能
飛已買新羌笛還思舊舞衣追懽白首嘆情事十
年非莫道容顏到五湖至今來青嶺未從却
小月七夕歌六半
記得離家後雙星六渡河人間秋女怨天上會逢
多絲

銀漢瓊車集琳堂靈鼓和昨宵同婺女今夕勝姮
娥

聞蟬

西羌時令異七月始聞蟬未蛻繁霜後猶鳴衰柳
前客心偶對此寒意轉淒然螿臂須防怒休爲聒
耳邊

旅處

旅處忘遲暮秋田願早收青稞燒百斛白麥釀千
筍合坐竹林集孤斟閑業遊浮生日日醉盡洗四
望愁

晚雨

鳴雨晚驚秋泫泫不數頭分檐淋短幔捎柳入高

樓益睡憂難遣忘天醉可謀一年蕭颯始搖落意悠悠

暮途二首

讀書他日事涉世暮途人渭水魚鈎直邊風鷹眼
喚形容元槁木險阻一微塵未得非熊卜徒然負
此身

無端花燼喜定我倘來人定為我喜倘家有來人十月虛書

信今年怯病身衰萍依水淺老燕顧家頻忽忽秋
窻下風前漫裹巾

羗人進桃

羗桃似萍實羗父遠攜投獻豈同王母豪將比葛
由倘憐消渴病暫解著書愁仙味與人共分張不
獨留

一笑

一笑從來夢如今未是真乾坤無始影泡幻百年
身江落須迴海秋零更發春小兒能造化愚弄白
頭人

欲登大像山不果幽期遙望而作

留素堂集 卷四
舊遊未得再悵望又逢秋洞口新添檻山腰故倚
樓虛空懸慧日林篠隔閑丘倘有支公在維摩待
講求
送董廣文赴舉長安
圖展南溟翼前驅北斗城經明能對策筵秩會吹
笙同學多先達竒材待晚成久淹老博士此去作
門生

送張輔辰武畧二秀才鄉舉

何人豐羽翮二子足飛鳴望屬奕兼雅才分清與

明曲江添硯水雁塔接雲程吾道憑玄植歸來綠
竹迎

覽華嶽志二首

披圖盈灑氣散帙發蓮花未到蒼龍嶺如逢玉女
車颺颺詩咋齒請雨賦聳牙何處堪游息南峯賀
老家

想到滄州遠看來華嶽深丹梯如有路仙掌幾千
尋雲抱羊公石林空毛女琴會將九節杖擔笥遂
初心

自素堂集 卷四 三
聽閩童唱曲擬其聲而戲爲詩

鄧卿定幾艾夜半作蠻歌
膊膊鳴鷄數登登啄木
多揚喉爲梵放捉鼻學吟
哦節以秦盆缶令人喚
柰何

小病

入秋常忽忽小病更心灰
無力攜斑杖當歌避滿
杯黃連書問少白髮雨風
催莫憫衰年意印須老
萬回

輓大休和尚

解脫知何去從今果大休
無生定無死忘喜自忘
憂但見中峯在和尚曾任貴清中峯
不將一指留床前舊拂
子風動颯清秋

普兒茶

客從南詔至分惠普兒茶
苦味能清胃封題可辟
邪入鎗迷蟹眼滿椀泛流霞煎法以茶入鎗一二沸去滓取汁色如朱
扶吾如藥餌破悶未堪誇

宵中

宵中得半醉席煖失輕寒
縣鼓交更急齋床獨宿

寬溼螢明葉底驚鳥墜林端從識安危理浮生作
是觀

高樓

疎雨過高樓憑軒散旅愁魚翻方掉尾穀熟正低
頭不斷青山色無多老樹幽西來秋棧客自在泛
虛舟

向晚

向晚支頤看前山過雨青蹉跎靈運屐寂莫子雲
亭細把花鬚數閒將鳥語聽此身寄城郭

時寓寧遠縣署

無異閉巖扃

寄詢申菴

荒園一畝宅敝席十年寒書函休飛去兒童著眼
看不聞花笑語可報竹平安水檻防欹側將來把
釣竿

九章

八月五日薰病起無聊自傷羣小讒誣賦棘田

鷄林白狐九章

棘田比藩使鷄林白狐比鞏昌兩太守

石田有鹿爰處西邊雖無野苹孤鳴飢眠 淤田

有鹿伏於陰雨次且不前瞻望乾土 棘田有鹿

將何以安刺我毛骨傷我心肝誰其翳之亦既薤

之薤曷不焚我維以階厲 右棘田 三章

有鴉在林其鳴嘒渙聲聞自東 羗在 鞏東 使人心亂

維林有鴉其性貪饕飢不擇食使人心焦 藏頭

深目出喙怒盈將噬慈母使人心驚 既喪其巢

亦落其毛衆之詛矣爾歿以敖 太守去職 卒于鞏昌 歿也忽

只歌哭笑號 右鴉林 四章

白狐之腋茸茸其澤不可以為裘非不可裘憎是

疑革吁嗟白狐兮 白狐之尾綏綏其偉不可以

為緣非不可緣憎是媚鬼吁嗟白狐兮 右白狐 二章

兔爰

爰爰兔脫網耿耿雉離羅所異我初日偏逢生後

罹多憂空有覺不寐自無叱當此學罟密百凶可

奈何

半龕

一拂稱居士半龕住老人才名多少累生歿去來

真灑落元無物虛空不受塵如如此宴坐何處是

吾身

忌日

八月十三十四
為先考妣亡日

百年有盡日雙泪獨懸時既以亡親感兼之遊子
思箕裘空自戀蘋藻念誰尸秋月當幾望凄其風
木悲

中秋觀子帥詩依韻有懷

桂枝含影動蘭若

隴酒名

泛杯深老興愁非昔清詩

吟至今共明千里夜不隔故人心徒倚頻延佇渾
忘竹露侵

君贊三至羗中

臘盡還江左秋中向渭濱雖無縮地術為有問天
人驚見形容瘦諱言家計貧老夫知爾意賒酒且
澆塵

書問鄉戚多不得報為之慨然

飄零關隴老羗城空附音書訊友生楊子終為泣
岐路翟公始得見交情

哭褚壻蔚文

病信去年得歿期今日真壯心埋玉樹老淚灑邊

塵衛玠何由看褚生不復珍惜無我自出憐殺未
亡人

歸園

九月八日自
寧遠還羗

亂菊不分徑零蒲已覆池歸園徒有嘆行路欲何
之入蜀青天近謀生白髮知我今此宿宿定別再
棲遲

言將入蜀定別此
園或再歸棲遲

早行

鷄鳴月在天遊子中夜起刷馬向秦州分途三十
里

秦州西三十里
舖南行入蜀

化林坡上日半照陽谿水颯颯

落秋風人行翠微裏

自牡丹原歷木門止鹽官鎮

老樹靄村家遙識舊遊路行行牡丹原田野散鷄
鶩絕流登木門徘徊復四顧下有積水川上有屯
雲戍漢魏如在眼英雄不可遇落日滿平岡馬首
寒烟聚鹵地莽無涯蒼茫鹽井暮

祁山

諸葛聲名在祁山壁壘空偏師圖隴外大志屬關
中已定三分勢徒勞六出功百年悲戰伐古木起

留素堂集
秋風
長道故縣山壘壘空
長道何年廢荒蕪設險初
墟北壘祁山舊南陲石堡紆此間
軍儲萬
樓堞臨溪春水船孤雲百丈挽天邊已銷兵氣爲
烟火不盡山音似管絃織女支機銀漢石仙人
幔武夷筵相逢故老談遺事猶識哥舒天寶年

西和縣南行二十里從白鴿崖至青羊峽宿
流目白鴿崖息心青羊峽神瀑貫如珠漢源綠於
鴨濯纓良在斯洗耳亦不乏秋花綠石開溪鳥向
人狎此行非閒適所歷得權洽

雙石崖

路逢兩青童隔溪迎老夫似致石丈言邀我結屠
蘇童子旣化石丈人在道隅見之動心魂丹碧光
景殊不獨鬼神會可與壺嶠俱我能生羽翼一嘯
凌嶽嶇

石家關

山迴水落起秋烟百折巖關隔小川未到仇池問

白馬仇池白馬氏所居已如蜀道上青天鳥邊一徑疑懸

度雲外千峯更接連行路自難况陟險不禁我馬

獨迤邐

宿小川

下關紙坊集紙坊鎮名踰嶺小川明荒山果無趣人馬

俱倦行小雨散迴風載驅趁晚晴南望畧陽路東

西限階成西階州東成縣百室聚村落空谷鷄犬聲下馬

先索酒把壺還自傾假館且未去對飲有老兵

小川阻雨

風吹屋上茅雨打門前席早知泥活路晚起山行

客車馬寂不喧鳥雀窺虛宅獨坐念平生投老學

干澤世情我所聞人事恐無益橡粟可充饑同谷

今咫尺

喜晴

櫪馬嘶行色蓬窻見曉星披衣坐土炕聽客過郵

亭水漲一川白山連萬壑青泥塗何所慮東道舊

留素堂集

居停
觀音硤

聚石如龍象圍繞青蓮穴西方有聖人妙法不可
說雲影散空花溪聲廣長舌杖履信阻修懽喜忘
疲茶

渡鐔家河雨宿作

一日陟岵兩日雨客無酒肉馬無粟前阻巖關後
河灣虎狼晝逐山鬼哭天乎人耶行路嗟竭來局
促守茅屋

官溝二十里至白馬關

緬邈歷官溝水石相因依空谷無人跡荒林有鳥
飛淺深谿壑亂斷續沙路微巖嶠白馬關攀緣凌
落暉石角錯我履藤梢刺我衣仰天疑升階俯地
凜危機山麓得旁舍偃息視如歸

宿鄧子園

青山橫作枕流水滿添杯此地行且止長歌去復
來吾生道路老心計百年灰自東江漢近未得放
舟回

留素堂集 卷四 五
且口沿江行至畧陽縣

黯澹行山路豁達見江水鬱紆鞍馬間洗濯心骨
裏不謂叢棘中曠覽有如此崩波殷雷動削壁連
雲起負嶺聚村家蕩舟狎漁子館場輞川非風景
豈源似置身在林巒息駕忘城市

遊靈巖次鮮于侁原韻

泛舟過鹿坪迴峯隔雉堞水湧有蛟宮山高無虎
穴攬勝探靈巖仰矚何巖嶮沿紆江路細斜拓門
逕濶殆假鬼工開非因人力設洞中古佛定日照

陰崖豁碧蘚綴金幢鬢雲垂玉節風泉時灑掃石
壇轉高縈下有藥水香飲之覺神澈丁閣旋螺紋
玄澤如蓄鐵呼童扣石鼓無由謁仙闕回步度懸
棧身輕趣自別愛聽溪鳥鳴貪看巖花發浩渺嘉
陵波凡夫不可涉而我恣幽討洞戶爲啓鑄所喜
丈人從竊得秘簡牒僊遊在秋季鮮于侁詩予來
秋之季氣象頗
切薰來適斯月上下數百年吟興猶關切谷響豈
寂寂江聲元活活樂此欲忘歸清音兩不絕棄杖
且莫攜結茅就林樾

靈巖席罷呈葛今牛尉

葉縣今是仙通泉尉更豪惟有老在客亦來從汝
曹飲酒或啜茗醉醒各陶陶漫與山靈別攜手上

江舫

畧陽尉邀予領客同葛劉兩明府登獅山飲
命儔凌絕頂山勢壓城頭俯瞰苻堅宅遙臨冉閔
溝揮杯空弔古作賦送窮秋指點嘉陵路心隨江
水悠

登靈峻山飲土主廟

土主者晉時白馬氏楊茂搜之後自稱右賢王

持予一杯酒勸汝右賢王已非宋俎豆仍是晉衣

宋受晉禪土主謂其子楊難敵曰善事宋帝我終為晉臣矣後為畧陽神封忠順王

裳歌泣來遊客山川舊戰場徘徊松柏下人世兩
茫茫

山間

山間有茅屋雲封不出戶竟日無炊烟微聞啄梁
甫遙想此中人得意望前古我欲與之言惜哉隔

江

畧陽旅况

旅處將浹日候舟不能發湛湛江上水纖纖山頭
 月秋盡復冬初草木半衰歇靈巖與旣窮玉臺路
 難越作書與主人葛為我搜漢碣畧有蔡邕何以
 報瓊瑤面縑充君襪山日無心賦詩同別來

同綿趾飲葛明府署中

畧陽劉羽
繩字綿趾

滯遊嗟歲晚累日飲君醉官舍如僧舍主人是客
 人在懷禮數畧道氣話言真更有劉公幹相知不
 覺新

旅曉

茅店鷄聲亂明星曉色分蜀舟維傍岸隴客去成
 羣江動初崩石山寒正出雲老夫眠未起笑誦送
 窮文

劉綿趾家住荷葉壩馳書見招自誇有類輞

川悵不及遊率題絕句奉寄

相聞荷葉壩前水可比茱萸灣上山君向燕臺我
 入蜀空留山水画圖間

泛嘉陵江

千山連葭萌一水注巴閬山根波瀨中水氣峯巒

留素堂集 卷四
上削壁少附土澄江多異狀舟從鏡裏行接地銀
漢望錦如秦川織珠是鮫人貺渺渺彼美懷不覺
予心曠
舟子隔江居延我茅屋內愛坐江上石爲與靈巖
對舊遊路不迷洞壑深菱葑樹裏見紅橋峯頭變
雲態虛無孤閣中行住老僧在

泊青白石

風落江聲寒月斜江水碧孤舟卧偏床就枕青白
石鷄鳴樹上聞魚跳波中激羣動豈有營寤寐歌
在客

過楊樹灘宿

曲折放江舟嗜竒忘險歷前灘忽奔雷驚瀧觸斷
壁倒挽施百丈數十人辟易得失尺寸間藉有神
靈役過此且安坻相看各喘惕林壑生虛籟月波
弄空碧擁被有餘寒薄酒不煖席

陽平關

雄關阨塞似龍蟠下瀨何愁蜀道難山勢削圍巴

留素堂集 卷四 十一
子國江流側注宋朝灘已無戰格雲間列猶有將
軍壁上觀舟楫直通渝夔路遙看閣棧出林端

下關風景曠更稱遠遊心落石隨波轉踈林覆屋
深巴童能蕩槳江客會淘金自到新灘險驚人欲
廢吟

從大小羊角灘泊葫蘆口

葫蘆口未出羊角路難行石似江豚起舟如風葉
輕平時無我相入坎覺心亨倚權寒巖下乾坤一

化城

朝天峽

一水深無地兩峯高並天巨靈開有掌神禹鑿何
年鎖鑰蜀門北羸滕秦客還輕舟過絕壁接目見
飛僊

飛僊閣

凌空僊閣啓松扉削壁千尋倒景微一帶寒江玄
崔下半山紅樹彩雲飛

千佛巖

唐龍門閣宋時于巖上鑿千佛故名

半巖垂澄江一望何玄澤
鏤琢膚寸間香是栴檀
積千佛示威儀瞻禮往來客
細數恒河沙大立須彌石
下者住方丈高者飛空錫
或作乞食行亦布說法席
稽首白佛言栖栖我安適
願結餘生緣十年面枯壁

廣元縣

昔時屯戍地改邑已銷兵
縣本利州衛漁商來水國樵

牧入山城千室臨江聚孤雲
對驛生如何蜀道客

頭白武元衡
元衡嘉陵驛詩路半嘉陵頭已白驛在廣元縣

十六夜月

關山幾年月江上一回圓
光逐流波去寒將抱被
眠雖然隔隴外猶是共天邊
欲和巴人曲殊為越客憐

過昭化縣

荒城負山麓迴合兩江流
嘉陵犀牛二江合流十室猶分邑

孤吟自倚舟殘蘆沙上雪
落石水中洲龍爪灣邊

下烟波颯敝裘

舟次戲為諺語

太白隕星石觀音出海潮太白觀音二灘名巴人自拔柁

秦客共幫橈每過灘舟子歌調么兒起風波火掌

招巴歌多以么兒發聲火掌用竹續下灘三百六

天上畧陽遙自畧陽至閬中有灘三百六十

蒼溪縣

莽曠蒼溪縣舟行處處孤人烟寒野郭江影倒浮

圖木葉鳴霜落水鴉曬翅呼蜀人以鷓鴣巴西蕭

瑟路我意寄荒蕪

奉閬中馮今吉人

靈山白玉臺碧嘉陵江色插青壁杜老到此盡世

歌杜甫有閬况有閬州為主客蕩槩弄潺湲攀梯

卧巖石百年山水尚澄鮮帝子亭臺已陳迹痛飲

不定十日期漫遊偶向三巴歷此來應卜我行藏

知君早問君平易嚴君平先在閬之

謁張桓侯飛墓祠

英靈猶在閬州土輪奐還新嘉祐祠宋嘉祐中

馬素旗江左恨巴歌渝舞蜀人思誰營石櫛藏幽

室我剔莓苔讀斷碑兄弟君臣仇已盡百年終得

報吳時

雷

始聽巴山雨還聞十月雷江聲疑轉石花信欲催

梅奮地驚蛟窟奔峯動玉臺來朝兩蠟屐是處踏

蒼苔

客夜

寓閬中
關祠

幽砌叢桃竹空江響浪鐘薄遊難久客長夜過初

冬老向蜀中寓詩多枕上工未窮山水趣卧對錦

屏峯

感懷

渭水無魚來閬水隴西有路出巴西泛舟虛擬穿

巫峽入蜀徒傳訪碧鷄憔悴屈平天可問疎狂阮

藉醉如泥自嫌俗吏為浮客笑看玉龍何處攜

題錦屏山空樹

此樹已婆娑行吟老去歌乾坤雕朽木世事夢南

柯窟地鬼神會菴丘日月摩空空何所有容得阿

誰多

吉人邀遊玉臺次壁間韻

碧石丹梯古錦苔琉璃砌地玉為臺酒徒看竹深
 杯裏仙今吹笙小洞開出岫閣雲飛苑去銜魚江
 鳥逐船來杜陵舊客新亭子斷碣詩殘白雪堆
滕王亭子已廢今薛太守馮今新之

觀音寺訪峨雪上人相遇

開蜀論文地

清初開蜀以寺為貢院

安禪選佛場蟠龍歸鉢

卧錦水到門香

嘉陵江至閬南為錦水蟠龍山名

古木無棲鳥陰

苔半夕陽過溪僧乞食惆悵遠公房

題楊雪樵見山堂呈吉人二首

初以邑舍為藩司楊方伯

思聖己亥建是堂今十年餘矣

藩伯有遺構虛堂只見山錦屏雲熒熒好鳥晚關

關采菊留人醉調琴與雀閒悠然陶令意風雅十

年間

蕉殘猶帶雨竹短不遮山下榻容浮客焚香好閉

關路愁蜀道遠心愧白雲閒歲晚將星駕思君隴

坂間

遊白塔寺

雲麓攀懸磴金臺布獨園江隨嶺外轉鳥向竹邊

留素堂集 卷四 五
喧客屐分苔徑僧鋤破石根登高臨闌苑烟火隔
千門

題陳氏書崑

宋陳堯叟堯佐堯咨讀書處崑中有春米碓懸髮孔遺蹟捧硯

亭在崑右前臨小池陳氏未達時開瑞蓮三莖刻圖于石

台星曾聚此林巒一代衣冠兄弟難倚碓讀書移
日影摩崖捧硯出雲端瑞蓮夜吐青燈焰空谷今

留白屋寒

陳氏尚有守祠子孫

坐看名山未磨滅後來將相

孰登壇

宋閻蒼舒將相堂記云袁天綱題曰此山磨滅英靈乃絕

大像寺

開山露佛骨呪石發蓮花而我尋香積當年轉法
華河沙憑閣數珠樹帶雲遮已覺居心淨忘歸謝
客家

自嘲

仍是在奴態飄零隴蜀間浪遊千里駕愛卧老僧
關筆墨思填海貪癡欲買山終年懶對鏡不敢照
頽顏

席上贈喬文衣 鉢

世誰湖海士相見在西川豪氣老當壯新詞妙可

留素堂集 卷四 五
傳喬以自著不將白眼看如遇故人憐甚愧劍州
詞曲見贈
守無能驚四筵

張桓侯古武場較射

場在閬州北張桓侯演武處有九塊石遺蹟臺石如

累碁高數丈宋紹興時題刻存

旌門南向萬山開江水東流殷怒雷控扼三巴思

漢將崢嶸九石見雲臺壁間白草風烟動肘後黃

金印斗來

印斗山在武場之右

敢道書生能虎視亦從騎士

騁龍媒

白崖

寂歷寒山暮探竒到上方傍巖柏子落近水竹根
長浴佛飛晴雨翻經坐石床深公不買隱留我一
空囊

閬苑感古

唐滕王元嬰刺史閬州居第今爲郡治

蟠龍嶺遶鳳凰樓帝子園林半閬州堂陛尚開刺
史第苑墻還覺漢宮秋飛來鳧雀空尋渚剩有江
山可泛舟修竹未栽叢桂盡鄒枚詞客不勝愁

十一月十八日發閬中留別

攜手西風別歸歟亦浩然詩瓢留錦水鞍馬去水

天興未江山盡情因歲序遷梅花前嶺折闕北有大小梅嶺開向隴頭邊

山西別孟七又銓兼訊伊叔子塞

卽今送北客送予歸隴來日憶南還憶孟還會稽歲暮催登

隴春風待出關相逢一夕話惜別萬重山寄訊阮家叔誰如林下閒

槐樹驛

閩北八十里

江遠如雲起山高無鳥飛田園經界在林木采樵稀蜀道真天險人心發殺機巴西槐樹驛亂後幾

家歸

宿黃土舖

蜀雪迷危棧隴雲望去途登高千里阻止宿一身孤帶劍割鷄肋腰鎌覓馬芻分床估客飲不道酒無徒

自柏林至梅嶺宿

入坎柏林驛昇天梅嶺關路通鳥道外人到白雲間積水生溪綠重苔繡石斑僕痛爰息馬回首戀

園山

道由園山幽奇可玩

留紫堂集

塞翁編

卷四

五

下二郎關至廣元縣

重關數十里徒旅苦奔峭石根費馬蹄顛蹶難可
料登頓履錯然前倅後者笑峯頭謝眺詩林際孫
登嘯非獨欲驚人聲響故竒妙俯視千室邑江山
含夕照倦鳥且歸林扁舟猶把釣

廣元楊蒼水明府招飲席上逢大力姪章參

軍

翩翩年少今杯酒慰天涯雪後逢王滇尊前識孟
嘉旅人鄉戚重名士國殤嗟大力殉節粵西剪燭寒江話

來朝薄笨車

宿朝天關

龍門閣道過鰲背嶺頭行削壁分江水孤雲抱石
城炊烟低遶屋鷄犬遠聞聲稅駕嚴關下勞勞愧
我生

關雨

雲昏埋近嶺屋漏溼重茅未去出關客徒看
在戶峭卜居人泛泛擇木鳥交交自顧將安適
無能更解嘲

筆峯觀

競秀千巖簇丹青落澗中天邊疑畫日獨有筆頭
公

七盤關

北嶺通西蜀千林擁七盤當關邏卒密行路棄繻
難谷口朝光薄馬蹄霜葉寒入秦非得已關西卽秦竟

歸與阻江干

言有事留滯不得卽歸

寧羗州

屬漢中府

驛路分秦蜀人家雜漢羗亂山溪水斷殘雪石田

荒吏病客除館身啼城復隍蕭條此一宿我馬未

玄黃

五丁峽

自蜀通秦後華風賴五丁淵雲歸北闕都會作南

京

玄宗幸蜀以成都爲南京

尚有金牛驛殊多駟馬行我來何

陟險底事利兼名

寬川峽

峽北有大小寬川

亂石難容屐峯迴小有天陰林不改葉乳水自成
川色染霞餘綺聲聞鳥弄絃幽竒貪領畧十步一

晨

同眠

大安鎮早發由鐵佛舖出飛僊嶺

侵星發大安捷徑不記里但覺緣源行只在迴峯
裏溪水觸我胸涼風酸眸子崩石如怒猊穿林有
突豕攀藤身亦輕過嶺心更喜飛仙天際來卧佛
巖中起應接少塵凡孤踪暮徒倚

十二月二日別畧陽葛明府

往來爲地主聚散忽雲浮葛今求丹好蔣翁歸徑
休勸杯猶在手去馬不同頭何日江南見烟波高

釣舟

八渡山下早起

寒漏疑微雨枯林動曉風畏行山路早索飲酒壺
空猿淚腸堪斷馬嘶步未工少陵百八渡相傳杜甫經此
凡一百八渡俗于此泣途窮

上八渡關沿嶺涉溪西北行四十里至白水

江

曲折石交路

土人謂亂石無徑者曰石交路

峻絕無磴級攀緣上

危關汗浹項領溼傲裘尚茸茸陰風適習習立馬

留素堂集 卷四
散煩襟千巖抉眼入過林鹿走險下坂鳥飛急溪
盡路亦窮寒江近可吸

連明府見留過歲寓徽州署中

遊爲殘年倦情因戀故留梅花何遜解鄉思仲宣

樓挂壁琴如葉

連有蕉葉
琴名丹嶂

浮居屋是舟

齋名
湘舫

歲寒

知守拙隨處有園丘

和隴梅

連今宦隴右二年搜山中得紅臘梅兩種奇矣
今已西冬復聞同谷張冰壺家有江梅秦西人

以爲酸杏也走驛折至共嘆隴非無梅少有知
者今唱絕句次韻率和

七年隴雪憶江春得見江梅似故人塞外客嘲酸
杏子寒香空自久留秦

丹嶂歌

我遊巴西來河池

徽州

山高水流道路長每逢松石

輒危坐愛此幽爭如琴床身擬漁樵爲問答不見
牙曠心徬皇浮沈同谷有隱吏玉軫金徽發錦囊
錫以嘉名曰丹嶂芙蓉出水流霞光文武餘絃變

宮徵梓桐庀質分陰陽焦尾蚘紋勝綠綺古賢列
 女比鳳凰郡齋清寂更空濶陸居四舫凌瀟湘拂
 拭龍唇整衫袖老翁爲子焚名香細引幽澗泉聲
 咽高入瑤天笙韻涼忽作蒼龍吟慨慷還爲白雀
 舞徊翔海上安得方子春移情只在成連旁

崖松歌

蘭州崖松高一尺偃蓋書簾偈硯池未成鱗甲小
 龍子蜿蜒已有雲烟姿點綴碧苔多潤色支吾文
 石巧扶持比諷徂徠山人凍欲死雪鬣霜皮不得

時

河池雜詩三首

乞食陶彭澤離憂屈左徒我知有放達人謂在泥
 塗天地青蠅滿冰霜白髮通胡然遇配主容得一
 在夫

枯魚羞涕泣衰鳳覺威垂失意元如此咄空徒爾
 爲買他千斛酒焚却四愁詩孰問吾顛顛潁湘潭漁
 父知

折屐逢山住孤雲著處歸此心達佛理何日換儒

留素堂集 卷四 雜
衣患難猶餘事乾坤未息機北風兼雨雪除歲望
春暉

贈徽州尚堯賡廣文

經學傳張叔文心賦士衡圖書周外史洒掃魯諸
生隴雪梅花白林樽竹葉清一壺應得煖早是負
才名

十二月十五夜月

姮娥對鏡愁容老夜照水霜不可掃兔眼迷離桂
樹枯寒光一片關山好蠟板紫簫白苧歌起爲孀

妾除煩惱我今有酒當春宵銀花煖疊霓裳早

連今

命工人製花
炮是夕試之

觀製吹紗墨燈獻京州侍郎詩

新樣春燈壓九華鋪綃刻玉卮文斜墨光染素臨
青鏡蜃氣分毫剪綵花紅盡寒林不改葉啄殘香
稻未又牙浣溪游女西施否踏雪先生東郭耶誤
入晶宮疑獻寶空懸明月忽流霞羊羔鳳髓銷金
帳雲路虹橋照夜車幻景只應天上看化工還向
世間誇揚州那比涼州好如意須教質酒家

望鐵山

徽州東南四十里

我知鐵山路不得鐵山遊相聞樵客語雙峯天上
頭其旁切日月其下雲烟浮四時無炎夏松栢蔽
丹丘俯視兩當縣遠眺西康州河池一席地廬井
杯中漚未窮巖穴妙想有圖斧儔負此兩青鞋目
極心悠悠

同劉判官飲湘舫別

吾客已無賴爾遊更漫然故知生計薄但受世人
憐話待松窻月歸如雪夜船以言與盡相逢須一醉杯

酒送殘年

過栗亭

徽州西三十里入成縣路

嘉名栗亭舊遊蜀杜陵還落落詩人興蕭蕭鳴馬
班細流通白水江亂雪滿蒼山寄言同谷客將住
草堂間

題成縣官舍

山水得雙清衙齋有遠情梅開紙帳雪仙醉赤霞

城

官舍南對醉仙巖

客到尋碁局官閒檢畫評

今善碁画

夜深

還剪燭歲暮惜殘更

偕連明府過張氏園看梅

主人聞客至 主人張水壺 花下設交床 此日將除日 他

鄉是故鄉高吟醒舊夢 澆酒醉新粧 欲折江南寄 翻愁隴塞長

望鷄頭山

把酒梅花下 看山几案前 松深青靄積 凍合白龍懸 飢鳥如迷路 竒峯欲破天 今來識半面 常住悵無緣

裴公湖

泉脉上城落 成縣有湖 上下城 湖光一碧凝 得魚思送酒 踏

藕欲敲水積 雪烟波滅隨 陽雁鶩增裴公臨 泛地心水有賢稱

除日雨雪


天工不怕老 故逼白頭人 雨雪將辭臘 鬚眉媿入春 客居重作客 貧士肯言貧 同谷來游者 悲歌太苦辛

再和連令

在手杯難放 掀髯鐘未鳴 勞詩方覺瘦 嗜酒已成

名客爲雪霽奔官因山水清邊州同夜話各不負
生平

塞翁編卷之四終



海田素堂集

卷四

海田素堂集